

1

CONFIRMATIO, ET INNOVATIO CONSTITUTIONIS Incipientis: *Ex illa die:* A CLEMENTE PAPA XI.

In Causa Rituum, seu Ceremoniarum Sinensium edita
NEC NON


Revocatio, rescissio, abolitio, cassatio, annullatio, ac
damnatio Permissionum super iisdem Ritibus, seu
Ceremoniis in quadam Pastoralis Epistola Ca-
roli Ambrosii Mediolanensis Patriarchæ
Alexandrinæ olim Commissarii, &
Visitatoris Apostolici in Sina-
rum Imperio conten-
tarum,

*Cum præscriptione novæ formulæ Juramenti per Missiona-
rios illarum partium præsentis, & futuras præstandi.*



ROMÆ, MDCCXLII.

Ex Typographia Reverendæ Cameræ Apostolicæ.



B E N E D I C T U S

P A P A XIV.

Ad perpetuam rei memoriam.

EX quo singulari Dei providentia factum est, ut Orientalium, & Occidentalium Indiarum Regiones Europæ innotescerent, Apostolica Sancta Sedes, quæ ab ipsis Ecclesiæ incunabulis Evangelicæ veritatis lumen ubique diffundere, & illud ab omni erroris umbra servare maximo studio curavit, in his quoque novissimis temporibus Evangelicos Operarios in antedictas Regiones sedulo misit; ut Idololatria ibi latè dominante funditus eradicata Christianæ Fidei semen opportunè spargerent, atque horrentes illos, & incultos campos in fertiles; florentesque vineas uberrimos æternæ vitæ fructus daturas commutarent. Ex Regionibus autem illis, quas Sancta Sedes præ cæteris ante oculos habuit, fuit profecto amplissimum Sinarum Imperium: in quo quidem negari non potest, quin Christiana Fides progressus ingentes fecerit, longè etiam majores factura, nisi coorta inter Operarios a Sancta Sede illuc missos dissidia cursum intercidissent.

Occasionem dissidiis ejusmodi dederunt Ceremoniæ quædam, & Ritus, quibus Sineses ad Confucium Philosophum, & Majores suos honoribus prosequendos uti consueverunt: cum nonnulli ex Missionariis contenderent, eas esse Ceremonias, & Ritus merè civiles, adeoque concedendos iis, qui relicto Idolorum cultu Christianam Religionem amplectebantur; contra verò alii eos, utpote superstitionem olentes, sine

gravi Religionis injuria permitti nullo modo posse assererent. Quæ sane controversia multis annis Apostolicæ Sedis curam , & sollicitudinem ad se traxit ; cum id maximè caveat , ne zizania in agro Dominico radices agant , aut , si fortè egerint , eæ , quam cito fieri potest , evellantur .

Primò itaq; ad Sanctæ Sedis Tribunal Causam hanc detulerunt ii , qui Ceremonias illas , & Ritus Sinicos superstitione imbutos suspicabantur . Super illis dubia nonnulla proposita fuerunt Congregationi de Propaganda Fide , quæ anno 1645. comprobavit responsa ac decisiones Theologorum , qui Ceremonias , & Ritus eisdem superstitione revera infectos judicarunt . Proinde Innocentius Papa X. ad præfatæ Congregationis preces , omnibus , & singulis Missionariis sub pœnâ excommunicationis latæ sententiæ , sibi , ac Sanctæ Sedi reservatæ , mandavit , ut responsa , ac decisiones prædictas omnino observarent , easque ad praxim deducerent , donec sibi , & Apostolicæ Sedi aliter visum non esset .

Verùm paulò post ab aliis ejusdem Missionis Operariis alia dubia de iisdem Ritibus , & Ceremoniis ipsimet Congregationi de Propaganda Fide fuerunt exhibita , ex quibus Ceremoniæ ipsæ , Ritusque nullam in se superstitionem habere videbantur . Negotium itaque hujusmodi ab Alexandro Papa VII. Sac. Inquisitionis Congregationi commissum fuit : quæ , prout varia , diversaque ratione fuerat sibi de eisdem Ceremoniis expositum , alias quidem tamquam merè civiles & politicas esse permittendas , alias verò tolerari posse judicavit : idemque Alexander Pontifex anno 1656. hanc sententiam probavit , & confirmavit .

Sed ecce tertio ad Sanctam Sedem hæc eadem controversia . Cum plura dubia Sacræ Inquisitionis Congre-

gregationi proposita fuissent, illud quoque ab ea quælitum fuit, utrum adhuc vigeret Innocentii Papæ X. præceptum, quo sub pœna excommunicationis latæ sententiæ mandabat observantiam responſionum, ac decisionum, quæ a Congregatione de Propaganda anno 1645. ut supra dictum est, emanaverant. Præterea, an, stantibus recens expositis dubiis, earum praxis retinenda foret: cum præsertim obſtare videretur Decretum Sac. Inquisitionis, quod ab ea emanavit anno 1656. super quæſitis nonnullis diverſa ratione, aliisque circumſtantiis propositis ab Operariis Apostolicis in Sinarum Regno commorantibus. Respondit ad hæc Sac. Inquisitionis Congregatio anno 1669. præſatum Congregationis de Propaganda Fide Decretum adhuc vigere habita ratione rerum, quæ fuerunt in dubiis expositæ; neque illud fuiſſe circumſcriptum a Decreto Sacræ Inquisitionis, quod anno 1656. emanavit; immo eſſe omnino obſervandum juxta quæſita, circumſtantias, & omnia ea, quæ in antedictis Dubiis continentur. Declaravit pariter eodem modo eſſe obſervandum prædictum Sacræ Congregationis Decretum anni 1656. juxta quæſita, circumſtantias, & reliqua in iſtis expreſſa. Hoc autem Decretum Clemens Papa IX. comprobavit.

Cum autem omnia præſata Decreta pro varia rerum expolitarum ratione fuerint facta, ac promulgata, tantum abſuit, ut Rituum Sinenſium controverſia finem obtineret, ut magis illa vires, & incrementum acquireret. Nam ſciſſis Evangelicis Operariis in partes, adducta res fuit in acriorem animorum, ac ſententiarum contentionem. Atque hinc, non ſine gravi ſcandalo, magnoque Fidei damno, conſecuta eſt prædicationis non uniformis, & non eadem ubique Chriſtianorum illorum diſciplina & inſtitutio. De his autem ab-

ardis certior factus Innocentius Papa XII. Prædecessor noster, id muneris sui omnino esse putavit, ut perniciolis adeo dissidiis finis daretur; proinde exactam maximeque accuratam totius hujus controversiæ discussionem Sacræ Inquisitionis Congregationi commisit. Cumque nihil intentatum reliquisset, quo sinceram facti notitiam obtineret, firmata quoque fuerunt de illius mandato summa cum diligentia Quæsitæ, quæ per eandem Sacram Congregationem resolverentur.

Quæditorum illorum examen Innocentii Papæ XII. mors interceptit. Clemens autem XI., qui successit, Prædecessoris sui zelo plenus, coram se quæditorum eorumque examen fieri voluit. Quamobrem post diuturnam, maturam, & accuratissimam rei discussionem, post auditas ex utraque parte rationes, quibus libere producentis unicuique locus amplissimus datus fuit, idem Clemens Papa XI. anno 1704. confirmavit, & Apostolica authoritate comprobavit præmemoratæ Sacræ Congregationis responsiones ad omnia & singula quæsitæ proposita, quibus Ritus Sinenses, utpote superstitione imbuti, prohibebantur; mandavitque præfatas responsiones ad Carolum Thomam de Tournon Antiochiæ Patriarcham, Commissarium, & in Sinarum Regno Visitatorem Apostolicum transmitti; ut nimirum exactam earundem observantiam omnibus & singulis Missionariis, poenis quoque Canonicis in refractarios indicis, præciperet.

Promulgavit quidem Patriarcha Antiochenus decisionem Apostolicam, addito Decreto, quo ab universis ejus observantiam exigebat. Cum autem illam tentassent eludere, variisque inanibus rationibus effugere ii, qui Sinenses Ritus tamquam politicos, ac merè civiles propugnauerant, prædictus Pontifex Clemens XI. Decreto, quod per Sacræ Inquisitionis Congregationem

nem emanavit anno 1710. præcepit omnimodam, & inviolabilem earundem responſionum abs ſe Apoſtolica authoritate confirmatarum obſervantiam, & alia quæ Decreto ipſo continentur, quod eſt tenoris ſequentis :

D E C R E T U M

Super omnimoda, ac inviolabili obſervatione Reſponſorum aliàs in cauſa Rituum, ſeu Ceremoniæ Sinenſium a Sacra Congregatione datorum, & a Sanctiſſimo approbatorum cum aliis Ordinationibus.

Feriâ v. die xxv. Septembris MDCCX.

In Congregatione Generali Sanctæ Romane, & Universalis Inquiſitionis habita in Palatio Apoſtolico Quirinali coram Sanctiſſimo Domino noſtro D. Clemente Divinâ Providentiâ Papa XI., ac Eminentiffimis, & Reverendiſſimis Dominis S. R. E. Cardinalibus in tota Republica Chriſtiana contra hæreticam pravitatem Generalibus Inquiſitoribus a Sanctâ Sede Apoſtolica ſpecialiter deputatis.

Idem Sanctiſſimus Dominus Noſter in Cauſa Rituum, ſeu Ceremoniæ Sinenſium, auditis tum in Congregationibus anno præterito non ſemel, quam in aliis, menſe & anno præſentibus pluries coram Sanctitate Sua habitis, præſatorum Eminentiffimorum & Reverendiſſimorum DD. Cardinalium, qui rem mature, ac diligentiffime diſcuſſerunt, ſententiis, decrevit, & declaravit, reſponſa aliàs in Cauſa bujuſmodi ab eadem Congregatione data, & a Sanctitate Sua die 20. Novembris 1707. confirmata & approbata, necnon Mandatum, ſeu Decretum ab Eminentiffimo & Reverendiſſimo Domino D. Cardinali de Tournon, tunc Patriarcha Antioceno, Commiſſario, & Viſitatore Apoſtolico Generali in Imperio Sinarum die 25. Januarii 1707. hac de re editum, ab omni-

bus & singulis, ad quos spectat, inconcussè, & inviolabiliter; sub censuris & penis in Mandato, seu Decreto hujusmodi expressis, observanda esse; quovis contrafaciendi quasito colore, seu prættextu penitus sublato, ac potissimum non obstante quacumque appellatione a quibuscumque Personis sive Sacularibus, sive Regularibus, etiam specificà & individuà mentione, & expressione dignis, ac quavis Ecclesiasticà dignitate fulgentibus, ad Sedem Apostolicam interposità, quam propterea Sanctitas Sua rejiciendam esse decrevit, ac re ipsa rejecit. Porro cum idem D. Cardinalis de Tournon in suo Mandato, seu Decreto supradictò Apostolicæ decisioni die 20. Novembris 1704. latè se expressè inbarere professus fuerit, Sanctitas Sua ulterius declaravit, ipsum Mandatum, seu Decretum unà cum censuris in eo contentis ad normam eorundem responsorum accipiendum esse, ita ut nihil per illud responsis præfatis additum, seu detractum fuisse censendum sit, ac omnia, quæ in eis insunt, etiam in Mandato, seu Decreto prædictò inesse intelligantur. Cæterum Sanctitas Sua, tametsi non sine ingenti animi sui mœnore acceperit, quod humani generis hostis multiplicia in die zizania in latissimis illis Regionibus superseminare non cessat; non tamen propterea in eis Catholicæ Religionis propaganda saluberrimum ac sanctissimum opus ullatenus deferere volens, sed illud majori, quæ potest, animi contentione, ac studio, iisque potissimum dissidiis, quibus inibi Christianæ Fidei seges veluti spinis suffocatur, prorsus submotis, ardentius, semper, & enixius promovere cupiens, congruam super præmissis, aliisque ad ea pertinentibus Instructionem confici, illamque dictò D. Cardinali de Tournon, quatenus adhuc in illis partibus commoretur, sin minus, illi qui ejus loco deputatus fuerit, necnon Episcopis, & Vicariis Apostolicis earundem partium transmitti mandavit, quæ non minus debita Apo-
sto-

stolicorum Decretorum executioni, quam Missionariorum concordia, Evangelica veritatis predicationi, atque animarum saluti opportunè consulatur. Demum, ut nimis illi de his rebus scribendi licentia, quæ non sine Fidelium scandalo inter Partes diuturna contentione exasperatas invaluit, modus imponatur, Sanctitas Sua districtè præcepit omnibus & singulis cujuscvis Ordinis, Congregationis, Instituti & Societatis, etiam de necessitate exprimenda, Regularibus, aliisque quibuscumque sacularibus Personis tam Ecclesiasticis, quàm Laicis, cujuscumque tandem status, gradus, conditionis, & dignitatis existant, ut in posterum non audeant sub quovis quesito colore, vel prætextu imprimere, vel quovis modo in lucem edere Libros, Libellos, Relationes, Theses, Folia, seu Scripta quacumque, in quibus ex professo, vel incidenter de Ritibus Sinicis hujusmodi, vel de controversiis desuper, seu illorum occasione exortis quomodolibet tractetur, sine expressa & speciali licentia a Sanctitate Sua seu pro tempore existente Romano Pontifice in Congregatione supradictæ Sanctæ & Universalis Inquisitionis obtinenda. Ut autem ejusmodi prohibitio inviolabiliter observetur, eadem Sanctitas Sua voluit, & declaravit, contravenientes quascumque excommunicationis lætæ sententiæ, Regulares vero etiam privationis vocis activæ & passivæ pœnas ipso facto absque alia declaratione incurrere, & nihilominus aliis etiam pœnis Sanctitatis Sux, & successorum suorum Romanorum Pontificum arbitrio infligendis subjacere. Libros porro, Libellos, Relationes, Theses, Folia, ac Scripta quacumque, quæ in futurum contra præsentis prohibitionis tenorem edicantigerit (citrà ullam aliorum habemus editorum approbationem, super quibus opportunè providebitur) pro expresse prohibitis haberi voluit, absque alia declaratione, sub pœnis & censuris in Regulis Indicis Librorum prohibitorum contentis. Impressores vero,
præter

præter Scriptorum sic impressorum amissionem, pecuniariis, aliisque corporalibus pœnis, juxta criminis gravitatem, teneri mandavit. In contrarium facientibus non obstantibus quibuscumque.

Joseph Bartolus Sanctæ Romanæ & Universalis Inquisitionis Notarius.

At vero nec Decretum hujusmodi ad difficiles animos subjiciendos valuit. Itaque Clemens idem Papa XI. quò illos tandem aliquando frænaret, Constitutionem anno 1715. evulgavit, quæ solemner iterum confirmavit antedictas Sacræ Inquisitionis responsiones, easque exactè & ad amissim observari mandavit, præclatis omnibus iis effugiis, quibus perfectam earum observantiam contumaces homines aliquo pacto evadere potuissent; & est tenoris, qui sequitur:

CLEMENTIS PAPÆ XI.

Præceptum super omnimoda, absoluta, integra, & inviolabili observatione eorum, quæ aliàs a Sanctitate Suae in Causa Rituum, seu Ceremoniarum Sinensium decreta fuerunt: cum rejectione quarumcumque rationum, seu excusationum ad ejusmodi Decretorum executionem declinandam allatarum, ac præscriptione Formula Juramenti per Missionarios illarum partium præsentis & futuros hac in re præstandi.

CLEMENS PAPA XI.

Ad futuram rei memoriam.

Ex illa die, qua, nullo licet meritum nostrorum suffragio, Catholica Ecclesiæ gubernacula, hoc est, munus suæ amplitudine gravissimum, ac temporum iniquitate molestissimum, Deo sic disponente, suscepimus, nihil Nobis manum clavo admoventibus antiquius fuit, quam acer-
rimas

rimas contentiones jampridem in Imperio Sinarum inter Apostolicos illarum partium Missionarios exortas, semperque in dies magis invalescentes tam circa quasdam voces Sinicas ad sanctum & ineffabile Dei nomen exprimendum inibi usurpatas; quam circa nonnullos earum gentium Ritus, veluti supersticiosos a quibusdam ex Missionariis predictis reprobatos; ab aliis vero, utpote eos civiles tantum asserentibus, permisos, Apostolici Judicii censurâ opportunè dirimere, ut, sublati diffidiis, Christianæ Religionis, Catholicæque Fidei propagationem turbantibus, omnes tandem id ipsum dicerent in eodem sensu, & in eadem sententia, unoque ore glorificaretur Deus ab iis, qui sanctificati sunt in Christo Jesu.

Hoc consilio responsa illa, quæ ad varias quæstiones super ejusmodi rebus excitatas; prævio diuturna examine, dudum, videlicet tempore fel. record. Innocentii Papæ XII. Prædecessoris nostri inchoato, ac deinde jussu nostro per plures annos continuato, auditisque utriusque Partis rationibus, necnon complurium Theologorum, & Qualificatorum sententiis a Congregatione Venerabilium Fratrum nostrorum Sanctæ Romanæ Ecclesiæ Cardinalium in tota Republica Christiana Generalium Inquisitorum adversus hæreticam pravitatem auctoritate Apostolicâ deputatorum data fuerunt, Nos die 20. Novembris 1704. eâdem auctoritate confirmavimus, & approbavimus.

Ea autem, quæ in responsis hujusmodi decreta fuerunt, sunt quæ sequuntur: Cum Deus Optimus Maximus congruè apud Sinas vocabulis Europæis exprimi nequeat, ad eundem verum Deum significandum, vocabulum *Tien Chû*, hoc est, Coeli Dominus, quod a Sinensibus Missionariis, & Fidelibus longo ac probato usu receptum esse dignoscitur, admittendum esse: nomina verò *Tien Cœlum*, & *Xang Tî Supremus Imperator*, penitus rejicienda.

Id-

Idcirco Tabellas cum inscriptione Sinica *King Tien*, Cælum colito, in Ecclesiis Christianorum appendi, seu jam appensas in posterum inibi retineri permittendum non esse.

Ad hæc nullatenus, nullaue de causa permittendum esse Christianis, quod præsent, ministrent, aut intersint solemnibus Sacrificiis, seu Oblationibus, quæ a Sineasibus in utroque æquinoctio cujuscunque anni Confucio, & Progenitoribus defunctis fieri solent, tamquam superstitione imbutis. Similiter nec esse permittendum, quod in Ædibus Confucii, quæ Sinico nomine *Miao* appellantur, iidem Christiani exerceant, ac peragant Ceremonias, Ritus, & Oblationes, quæ in honorem ejusdem Confucii fiunt tum singulis mensibus in Novilunio & Plenilunio a Mandarinis, seu primariis Magistratibus, aliisque Officialibus, & Literatis; tum ab eisdem Mandarinis, seu Gubernatoribus, ac Magistratibus, antequam dignitatem adeant, seu saltem post ejus possessionem adeptam; tum denique a Literatis, qui postquam ad gradus sunt admissi, e vestigio ad Templum, seu Ædem Confucii se conferunt.

Præterea non esse permittendum Christianis in Templis, seu Ædibus Progenitoribus dicatis Oblationes minus solennes eisdem facere, nec in illis ministrare, aut quomodolibet interservire, vel alios Ritus, & Ceremonias peragere.

Item nec esse permittendum præfatis Christianis Oblationes, Ritus, & Ceremonias hujusmodi coram Progenitorum Tabellis in privatis domibus, sive in eorundem Progenitorum Sepulchris, sive antequam defuncti sepultura tradantur, in eorum honorem fieri consuetas, unâ cum Gentilibus, vel seorsim ab illis peragere, eisque ministrare, aut interesse; immo prædicta

dicta omnia, ut pote quæ, perpensis hinc inde deductis, necnon diligenter, ac maturè discussis omnibus, ita peragi cõperta sunt, ut a superstitione separari nequeant, Christianæ Legis cultoribus ne quidem permittenda esse, præmissa publica, vel secreta protectione, se, non religioso, sed civili, ac politico tantùm cultu erga defunctos illa præstare, nec ab eis quidquam petere, aut sperare.

Non tamen per hæc censendam esse damnatam præsentiam illam, seu assistentiam merè materiale, quam cum Gentilibus superstitionis peragentibus, citra ullam sive expressam, sive tacitam gestorum approbationem, ac quovis ministerio penitus secluso, eisdem superstitionis actibus quandoque præstari contingat a Christianis, cum aliter odia & inimicitie vitari non possunt: factâ tamen prius, si commodè fieri poterit, Fidei protestatione, ac cessante periculo subversionis.

Demum permittendum non esse Christifidelibus Tabellas defunctorum Progenitorum in suis privatis domibus retinere, juxta illarum partium morem, hoc est, cum inscriptione Sinica, qua Thronus, seu Sedes Spiritus, vel Animæ N. significetur, immo nec cum alia, qua Sedes, seu Thronus, adeoque idem, ac priori, licet magis contracta inscriptione, designari videatur. Quo verò ad Tabellas solo defuncti nomine inscriptas, tolerari posse illarum usum, dummodo in eis conficiendis omittantur omnia, quæ superstitionem redolent, & secluso scandalo, hoc est, dummodo qui Christiani non sunt, arbitrari non possint, Tabellas hujusmodi a Christianis retineri eâ mente, quâ ipsi illas retinent, necnon adjectâ insuper declaratione ad latus ipsarum Tabellarum apponendâ, quâ, & quæ sit Christianorum de defunctis fides, & qualis Filiorum, ac Nepotum in Progenitores pietas esse debeat, enuntietur.

Per

Per præmissa nihilominus non vetari, quominus erga defunctos peragi possint alia, si quæ sint, ab iis gentibus peragi consueta, quæ verè superstitiosa non sint, nec superstitionis speciem præferant, sed intra limites civilium & politicorum Rituum contineantur. Porro quænam hæc sint, & quibus adhibitis cautelis tolerari valeant, tum pro tempore existentis Commissarii & Visitatoris Generalis Apostolici, seu ejus vices exercentis in Imperio Sinarum, tum Episcoporum, & Vicariorum Apostolicorum illarum partium judicio relinquendum esse: qui tamen interea omni, quo poterunt, studio, ac diligentia curare debebunt, ut Gentium Ceremoniis penitus sublatis, illi sensim a Christianis, & pro Christianis hac in re usu recipiantur Ritus, quos Catholica Ecclesia pro defunctis piè præscripsit.

Post hæc verò labente ferè sexennio, nempe die 25. Septembris 1710. auditis iterum dictorum Cardinalium, qui rem maturè, ac diligentissimè discuss-runt, suffragiis, eadem responsa, necnon Mandatum, seu Decretum, quod illis expressè inherendo a pia recordationis Carolo Thoma, dum vixit, ejusdem Sanctæ Romanæ Ecclesiæ Cardinali de Tournon nuncupato, tunc Patriarcha Antioceno, Commissario, & Visitatore Apostolico Generali in præfato Imperio Sinarum, die 25. Januarii 1707. editum fuit, ab omnibus & singulis, ad quos spectabat, inconcussè & inviolabiliter sub censuris & pœnis in Mandato, seu Decreto hujusmodi expressis observanda esse decrevimus & declaravimus, quovis contrafiendi quæsito colore, seu prætextu penitus sublato, ac potissimum non obstante quacumque appellatione a quibusvis Personis ad Nos, & Sedem Apostolicam interpositâ, quam propterea prorsus rejiciendam esse similiter decrevimus, ac re ipsa rejecimus, prout in Decreto hac de re edito fufius continetur.

Hæc

Hæc omnia plenè & abundè sufficere debuissent , ut ea, quæ inimicus homo superfeminaverat , zizania ex agro illo radicitus evellerentur , Fidelesque omnes nostris, & hujus Sanctæ Sedis mandatis eâ , quâ par erat , humilitate & obedientiâ obsequerentur : præsertim cum in calce responsorum prædictorum a Nobis , sicut præmittitur , confirmatorum & approbatorum , Causam jam finitam esse apertis , & perspicuis vrbis pronunciatum fuerit .

Verùm, cum, sicuti ex eisdem partibus non sine intimo animi nostri dolore ad nostri pervenerit Apostolatus auditum, tam enixè a nobis præscripta responsorum hujusmodi executio malè a plerisque, sive vano falsoque obtentu, quod illa a Nobis suspensa fuerint, vel minus legitimè promulgata, sive conditionum, ut perperam asseritur, in eis insitarum, & ante executionem ipsam verificandarum, factorumve, super quibus ipsa emanarunt, non justificatorum ratione, sive ulteriorum a Nobis ea in re edendarum declarationum colore, sive gravium, quæ tam Missionariis, quam Missioni ipsi ex demandata executione obvenire possent, periculorum formidine, sive demum Decreti dudum, nempe die 23. Martii 1656. super ejusmodi Ritibus, seu Ceremoniis Sinicis a præfata Congregatione Cardinalium editi, ac a recol. mem. Alexandro Papa VII. etiam Prædecessore nostro approbati prætextu, necnon sine gravi Pontificiæ nostræ authoritatis injuria, Christi fidelium scandalo, ac salutis animarum detrimento, satis diu, multumque eludatur, aut saltem nimium retardetur .

Hinc est, quod Nos, ex commissâ Nobis divinitus Apostolicæ servitutis munere, difficultates, tergiversationes, subterfugia, & prætextus hujusmodi penitus & omnino è medio tollere, ac rejicere, necnon Christi fidelium quieti, animarumque saluti, quantum Nobis ex alto conceditur, prospicere cupientes, de eorundem Cardinalium consilio,

ac

ac etiam motu proprio, & ex certa scientia, ac matura deliberatione nostris, deque Apostolica potestatis plenitudine, omnibus & singulis Archiepiscopis, & Episcopis in supradicto Sinarum Imperio, aliisque ei conteminiis, sive adjacentibus Regnis, ac Provinciis nunc & pro tempore quoadcumque existentibus sub suspensionis ab exercitio Pontificalium, & Interdicti ab ingressu Ecclesie, eorum vero Officialibus, ac Vicariis in Spiritualibus Generalibus, aliisque illorum locorum Ordinariis, ac etiam Vicariis Apostolicis, qui Episcopi non sint, eorumque Provicariis, necnon Missionariis tam secularibus, quam cujuscunque Ordinis, Congregationis, Instituti, & Societatis, etiam Jesu, Regularibus, sub excommunicationis latae sententiae, a qua nemo a quoquam, praeterquam a Nobis, sed Romano Pontifice pro tempore existente, nisi in mortis articulo constitutus, absolvi possit, & quoad Regulares etiam privationis vocis activae, et passivae poenis per contrafacientes ipsos facto absque alia declaratione incurrendis, tenore praesentium praecipimus, ac in virtute sanctae obedientiae mandamus, ut responsa praefecta, omniaque, & singula in eis contenta exacte, integre, absolute, inviolabiliter, & inconcussè observent; ac ab eis, quorum cura ad illos spectat, similiter observari, quantum in ipsis est, curent, & faciant: neque illis, sive ullo ex superius expressis, sive alio quovis titulo, causa, occasione colore, vel praetextu contravenire quoquo modo audeant, vel praesumant.

Praeterea motu, scientia, deliberatione, & potestatis plenitudine paribus, harum serie statuimus, & sub eisdem excommunicationis reservata, ac privationis vocis activae, & passivae poenis ordinamus, ut omnes & singuli Ecclesiastici tam seculares, quam praedictorum Ordinum, Congregationum, Institutum, & Societatum, etiam Jesu, Regulares, ad Sinas, aliave praefata Regna, & Provincias, sive ab hac Sancta Sede, sive etiam ab
eorum

eorum Superioribus missi, & quandocumque in posterum mittendi; cujusvis tandem tituli, aut facultatis vigore illic existant, vel in futurum extiterint, missi scilicet, statim ac presentes Literæ eis innotuerint; mittendi verò, antequam ibidem aliquod Missionarii munus exercere incipiant, Juramentum de fideliter, integre, ac inviolabiliter observando ejusmodi Fræcepto, ac Mandato nostro, juxta formulam in præsentium Literarum calce annotandam, in manibus Commissarii & Visitatoris Apostolici in præfato Imperio Sinarum pro tempore existentis, vel alterius ab illo deputati, sive, eo deficiente, in manibus Episcoporum, vel Vicariorum Apostolicorum dictarum partium, in quorum respectivè jurisdictione commorantur, vel commorabuntur, aut aliorum ab eis deputatorum, Regulares vero in manibus insuper Superiorum suæ Religionis, vel ab illis deputatorum in eisdem partibus existentium, præstare omnino debeant, ac teneantur: ita ut ante præstationem Juramenti hujusmodi, & subscriptionem sub eadem formula ab unoquoque, qui juramentum ipsum præstiterint, propria manu faciendam, nullum Missionarii munus continuare, aut exercere, immo nec tamquam deputati ab Episcopis, seu Ordinariis Locorum, aut tamquam simplices suæ Religionis Presbyteri, sive alio quovis titulo, causâ, seu privilegio, de quibus expressa, specialis, & specialissima esset facienda mentio, Christianifidelium Confessiones audire, concionari, aut Sacramenta quomodolibet administrare ullo modo valeant, nullisque omnino facultatibus, sive sibi speciatim, sive suis respectivè Ordinibus, Congregationibus, Institutis, & Societatibus, etiam Jesu, hujusmodi generaliter a Sede præfata concessis uti possint, sed quoad eos, præter, & ultra superius expressas pœnas, omnes & singula facultates prædictæ omnino cessent, nulliusque roboris sint, & esse censeantur.

Omnia autem Juramenta hujusmodi per quoscunque Missionarios tam Saculares, quàm Regulares, in memoratorum sive Commissarii & Visitatoris Apostolici pro tempore existentis, sive Episcoporum, aut Vicariorum Apostolicorum manibus, sicut pramittitur, præstanda, postquam subscriptione munita fuerint, vel saltem authentica illorum exempla per eosdem Commissarium & Visitatorem Apostolicum pro tempore existentem, Episcopos, & Vicarios Apostolicos, ad præfatam Congregationem Cardinalium, quanto citius fieri poterit, transmittantur.

Superiores vero Regulares cujusvis Ordinis, Congregationis, Instituti, & Societatis, etiam Jesu, illic nunc, & pro tempore existentes, sub eisdem pœnis teneantur non solum idem Juramentum in præfatorum sive Commissarii, & Visitatoris Apostolici pro tempore existentis, sive Episcoporum, aut Vicariorum Apostolicorum manibus, juxta modum supra præscriptum, præstare, ejusque formulæ subscribere, sed etiam illius præstationem a suis respectivè Subditis exigere, ac authentica ea super re documenta quamprimum transmittere ad suos respectivè Superiores Generales, qui illa memorata Congregationi Cardinalium statim tradere debebunt.

Decernentes, easdem præsentés Literas, & in eis contenta quacumque, etiam ex eo quod prædicti, & alii quicumque in præmissis interesse habentes, seu habere quomodolibet prætendentes, cujusvis status, gradus, Ordinis, præeminentiæ, & dignitatis existant, seu alias specificæ & individuæ mentione, & expressione digni illis non consenserint, nec ad ea vocati, & auditi, causæque, propter quas præsentés emanarint, sufficienter adductæ verificatæ, & justificatæ non fuerint, aut ex alia qualibet, etiam quantumvis juridica, & privilegiata causa, colore, prætextu, & capite, etiam in corpore Juris clauso, etiam enormis, enormissima, & totalis læsionis, nullo

unquam tempore de subreptionis, vel obreptionis, aut nullitatis vitio, seu intentionis nostra, vel interesse habentium consensus, aliove quolibet, etiam quantavis magno & substantiali, ac inexcogitato, & inexcogitabili, individuumque expressionem requirente defectu notari, impugnari, infringi, invalidari, retractari, in controversum vocari, aut ad terminos Juris reduci, seu adversus illas aperiitionis Oris, restitutionis in integrum, aliudve quodcumque Juris, facti, vel gratia remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato, quempiam in Judicio, vel extra illud, uti, seu se juvare ullo modo posse; sed ipsas presentes Literas semper firmas, validas, & efficaces existere, & fore quibuscumque juris, seu facti defectibus, qui adversus illas, etiam quorumvis a Sede prefata concessorum privilegiorum pretextu, ad effectum impediendi, seu retardandi earum executionem, quovis modo, seu quavis ex causa opponi, seu objici possent, minime refragantibus, suos plenarios, & integros effectus fortiri, & obtinere, easque propterea, omnibus & singulis quomodolibet allatis, seu afferendis impedimentis penitus & omnino rejectis, ac nequaquam attentis, ab illis, ad quos spectat, & pro tempore quandocumque spectabit, inviolabiliter & inconcusse observari, sicque, & non aliter in premissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem Sanctæ Romane Ecclesiæ Cardinales, etiam de Latere Legatos, & prefatæ Sedis Nuncios, aliosve quoslibet quacumque preeminentia & potestate fungentes, & functuros, sublatæ eis, & eorum cuilibet quavis aliter judicandi, & interpretandi facultate & auctoritate, judicari, & desiniri debere; ac irritum & inane, si secus super his a quocumque quavis auctoritate scienter, vel ignoranter contigerit attentari.

Non obstantibus præmissis, & quatenus opus sit, no-
 jira, & Cancellariæ Apostolicæ Regulâ de Jure quasito
 non tollendo, aliisque Apostolicis, ac in Universalibus,
 Provincialibusque, & Synodalibus Conciliis editis gene-
 ralibus, vel specialibus Constitutionibus, & Ordinatio-
 nibus, necnon quorumcumque Ordinum, Congregatio-
 num, Institutorum, & Societatum, etiam Jesu, ac
 quarumvis Ecclesiarum, & aliis quibuslibet, etiam ju-
 ramento, confirmatione Apostolicâ, vel quavis firmitate
 aliâ roboratis, Statutis, & consuetudinibus, ac præ-
 scriptionibus quantumcumque longissimis, & immemora-
 bilibus, Privilegiis quoque, Indultis, & Literis Apo-
 stolicis, Ordinibus, Congregationibus, Institutis, &
 Societatibus, etiam Jesu, ac Ecclesiis prædictis, aliisque
 quibuslibet personis, etiam quantumvis sublimibus, &
 specialissimâ mentione dignis a Sede prædictâ ex quacun-
 que causâ, etiam per viam contractus, & remuneratio-
 nis, sub quibuscumque verborum tenoribus, & formis,
 ac cum quibusvis, etiam derogatoriâ derogatoriis,
 aliisque efficacioribus, efficacissimis, & insolitis clausu-
 lis, irritantibusque, & aliis decretis, etiam motu, scien-
 tia, & potestatis plenitudine similibus, seu ad quarum-
 cumque personarum, etiam Imperiali, Regali, aliâve qua-
 libet mundanâ, vel Ecclesiasticâ dignitate fulgentium
 instantiam, aut earum contemplatione, seu aliâs quomo-
 dolibet in contrarium præmissorum concessis, editis, factis,
 ac pluries iteratis, ac quantiscumque vicibus approbatis,
 confirmatis, & innovatis. Quibus omnibus & singulis,
 etiamsi pro illorum sufficienti derogatione de illis, eorum-
 que totis tenoribus specialis, specifica, expressa, & indi-
 vidua, ac de verbo ad verbum, non autem per clausulas ge-
 nerales idem importantes, mentio, seu quævis alia expres-
 so habenda, aut aliqua alia exquisita forma ad hoc servan-
 da foret, tenores hujusmodi, ac si de verbo ad verbum, nihil
 peni-

penitus omisso, & formâ in illis traditâ observatâ, exprimerentur, & infererentur, præsentibus pro plenè, & sufficienter expressis, & insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, & derogatum esse volumus, cæterisque contrariis quibuscumque.

Formula autem Juramenti, sicut præmittitur, præstandi est, quæ sequitur, videlicet: Ego N. Missionarius ad Sinas, vel ad Regnum N., vel ad Provinciam N. a Sede Apostolica, vel a Superioribus meis, juxta facultates eis a Sede Apostolica concessas, missus, vel destinatus, Præcepto, ac Mandato Apostolico super Ritibus, & Ceremoniis Sinenlibus in Constitutione Sanctissimi Domini Nostri Domini Clementis Divina Providentia Papæ XI. hac de re edita, qua præsentis Juramenti formula præscripta est, contento, ac mihi per integrantejusdem Constitutionis lectionem optimè noto, plenè ac fideliter parebo, illudque exactè, absolute, ac inviolabiliter observabo, & absque ulla tergiversatione adimplebo. Si autem (quod Deus avertat) quoquo modo contravenerim, toties quoties id evenerit, pœnis per prædictam Constitutionem impositis me subiectum agnosco & declaro. Ita tactis Sacrosanctis Evangeliiis promitto, voveo, & juro. Sic me Deus adjuvet, & hæc Sancta Dei Evangelia.

Ego N. manu propria

Cæterum volumus, & expresse mandamus, ut eadem præsentis Literæ, se earum exempla, etiam impressa, notificentur, & intimentur omnibus & singulis memoratorum Ordinum, Congregationum, Institutorum, & Societatum, etiam Jesu, Superioribus Generalibus, & Procuratoribus Generalibus, ad hoc ut tam suo, quam prædictorum eis respectivè Subditorum, seu inferiorum nomine, ipsas Literas fideliter exequi & observare spon-

deant, actumque sponſionis hujusmodi in ſcriptis reddant; earum verò exempla prædicta p̄ uribus viis, quanto citius fieri poterit, transmittant ad eosdem ſuos Subditos, ſeu inferiores in Sinis, aliisque Regnis, & Provinciis ſupra dictis degentes, cum artiſſimis præceptis eaſdem Literas, & in eis contenta quacumque plenariè, & integrè, ac verè, realiter, & cum effectu in omnibus & per omnia ſimiliter exequendi, & obſervandi. Quia verò difficile foret, Literas hujusmodi originales ubique oſtendi, & publicari, volumus pariter, & decernimus, illarum tranſumptis, ſeu exemplis, etiam impreſſis, manu alicujus Notarii publici ſubſcriptis, & ſigillo Perſonæ in Eccleſiaſtica dignitate conſtitutæ munitis, eandem prorsus fidem tam in Judio, quam extra illud, ubique locorum haberi, quæ haberetur ipsis præſentibus, ſi forent exhibita, vel oſtenſa. Datum Romæ apud Sanctam Mariam Majorem ſub Annulo Piſcatoris die 19. Martii 1715. Pontificatus Noſtri Anno Decimoquinto.

F. Oliverius.

Per Conſtitutionem Apoſtolicam adeo ſolemnnem, qua Clemens Papa XI. ſe huic controverſiæ finem dediffe teſtatur, juſtum & æquum videbatur, eos, qui Sanctæ Sedis authoritatem ſeſe quam maximè revereri profitentur, humili & obſequenti animo illius Judio ſemet omnino ſubjicere, nec ulterius quicquam cavillari. Nihilominus inobedientes & captioſi homines exactam ejusdem Conſtitutionis obſervantiam ſe effugere poſſe putarunt, eâ ratione; quod illa Præcepti titulum præfert, quaſi vero non indiſſolubilis Legis, ſed Præcepti merè Eccleſiaſtici vim haberet; tum etiam quod illam debilitatam exiſtimarent ex Permiſſionibus quibuſdam, quas ſuper iisdem Sinenſibus Ritibus publicavit Carolus Ambroſius Mediobarbus Patriarcha Alexandrinus, cum Commiſſarium & Viſita-

statorem Generalem Apostolicum in iis Regionibus ageret .

Nos igitur animadvertentes , prædictam Constitutionem Christiani Cultus puritatem respicere , quem illa ab omni superstitionis labe immunem servare contendit , nullo modo ferre possumus , quemquam existere , qui eidem repugnare temerè audeat , aut contemnere , perinde ac ipsa Supremam Apostolicæ Sedis decisionem non contineret , & id , quo de agitur , non ad Religionem spectaret , sed quid per se indifferens foret , aut quædam variabilis disciplinæ ratio . Proinde auctoritate ab Omnipotenti Deo Nobis traditâ uti volentes ad illam in suo robore omnino servandam , de auctoritatis ejusdem plenitudine non modo eam approbamus & confirmamus , sed etiam , quantum possumus , omnem vim & firmitatem , ad illam magis , magisque roborandam ac stabiliendam , adjicimus , eamque in se plenam & omnimodam Apostolicæ Constitutionis auctoritatem habere dicimus & declaramus .

Permissiones autem , quarum obtentu aliqui prædictæ Constitutionis robur infringere conantur , originem duxerunt a responsionibus quibusdam , quas duo viri , qui jampridem in Sinarum Regno fuerant , ad quæsitâ nonnulla dederunt , quæ super ejusdem Constitutionis Apostolicæ executione ac praxi Missionarii quidam proposuerant . Responsiones itaque hujusmodi unâ cum dubiis illis , nullo tamen Romani Pontificis sive approbantis , sive aliquid de suo addentis indicio , transmissæ fuerunt ad præfatum Patriarcham Alexandrinum , ejus animi instruendi causâ , utque illis uteretur , prout circumstantiæ rerum , ac temporis postularent : integro tamen remanente Apostolicæ Sedis Jure eas comprobandi , vel etiam revo-

candi, si quando conformes, aut repugnantes Constitutionis præfatæ decretis ullo modo compertæ forent.

Vix Sinarum Regnum Patriarcha Alexandrinus ingressus, in iis angustiis se positum intellexit, ut coactus fuerit in publicum emittere, non quidem responsiones, quas præmemorati duo Viri ad proposita quæsitæ dederant, bene verò Permissiones octo, quæ ab illis fuerant deductæ, atque inde ab eodem Patriarcha in Pastoralis sua Epistola insertæ, cujus tenor est, uti sequitur.

Carolus Ambrosius Mediobarbus Dei, & Apostolicæ Sedis gratiâ Patriarcha Alexandrinus, necnon in Indiis Orientalibus, ac Sinarum Imperio, finitimisque Regnis, & Insulis Commissarius, & Visitator Generalis Apostolicus cum facultate Legati de Latere &c.

Omnibus Episcopis, Vicariis Apostolicis, ac Missionariis, qui in prædictis partibus degunt, salutem in eo, qui est omnium vera salus.

Benedictus Deus, & Pater Domini nostri Jesu Christi, Pater misericordiarum, & Deus totius consolationis, qui consolatur nos in omni tribulatione nostra, ut possimus, & ipsi consolari eos, qui in omni pressura sunt, per exhortationem, qua exhortamur, & ipsi a Deo. Nil etenim Nobis magis in animo fuit, ex quo in Sinarum Imperium, Deo favente, pervenimus, quàm cum iis omnibus, qui in hac Evangelica Vineâ laborant, os ad os loqui. Desideravimus enim videre vos, ut aliquid imperiremur vobis gratiæ spiritualis ad confirmandum vos, idest simul consolari in vobis per eam, quæ in invicem est, fidem vestram, atque meam. Verùm, quia non sapientiam hujus sæculi loquuti fuimus, in timore & tremore multo fuimus apud vos, satiusque duximus, ad sedan-
dam

dam tempestatem adversus Evangelicos Operarios ingruentem, Nos in mare projicere, ut vos jactari sinatis. Adjutor noster nunc & erit ille Deus, qui dedit Nobis in mari viam, & in aquis torrentibus semitam. Veritatem dicimus in Christo, non mentimur, testimonium Nobis perbibente conscientia nostra in Spiritu Sancto; quoniam tristitia Nobis magna est, & continuus dolor adhaeret cordi nostro, quod praesentes non potuerimus salvari vos, ut fructum aliquem haberemus & in vobis, & in ceteris gentibus. At verò quod non licuit per praesentiam agere, saltem per epistolam non impeditur. Primum quidem gratias agimus Deo nostro per Jesum Christum pro omnibus vobis, qui Spiritu Sancto ferventes & fortes Sanctae Sedis mandatis rationabile exhibetis ministerium vestrum jactantes cogitatum in eum, cui a Domino dictum est: Pasce oves meas: cui traditae sunt claves Domus David; si aperit non est qui claudat, si claudit, non est qui aperiat. Quotquot estis macte animis, vigilate, stete in fide, viriliter agite, & confortamini, quia merces vestra magna est in Coelis. Ministerium vestrum implete, attendite vobis, & doctrina. Lucerna estote, non minus lucentes exemplo, ac zelo praedicationis ardentes. Si qui verò adhuc essent hesitantes & in opere non efficaces, obsecramus vos, fratres, per nomen Domini nostri Jesu Christi, ut id ipsum dicatis omnes, & non sint in vobis Schismata, sitis perfecti in eodem sensu, & in eadem sententia. Non amplius invicem judicemus. Unusquisque vestrum pari humilitate, ac obedientia S. Sedis mandatis obsequatur, ut vestra obedientia in omnem locum divulgetur. Non enim opus est, ut aliquem actum faciamus, ut Sanctissimi Domini Nostri Clementis Papae XI. mandata jam promulgata vobis innotescant, vimque habeant, ut absque ulla tergiversatione executioni mandentur. Nihil proinde innovamus: sed relinquimus res,

prout

prout sunt; hoc est, nullatenus Constitutionem super Ritibus Sinicis a Sanctissimo Domino Nostro Clemente Papa XI. die 19. Martii 1715. emanatam suspendimus, aut, quæ in ea vetantur, permittimus. Ob aliqua tamen quibusdam Missionariis circa quasdam Ceremonias peragi consuetas suborta dubia, ut ouilbet in Vineâ Domini strenuè, ac viriliter laborare queat, nonnulla adnotamus, quæ permitti poterunt, quæ & separatim unicuique secundum quæsitâ dedissemus, nisi compertum Nobis esset, una cum incertis nuntiis jam disseminata proborum animos, & Christi-fideles bonæ voluntatis non parùm perturbasse. Omni igitur, quo poteritis, studio ac diligentia curare debetis, ut gentium Ceremoniis penitus sublatis, illi sensim a Christianis, & pro Christianis usu recipiantur Ritus, quos Catholica Ecclesia piè præscripsit. Primò. Permittitur Christianis Sinenlibus in suis privatis domibus uti Tabellis defunctorum inscriptis solo nomine defuncti, appositâ ad latus declaratione debitâ, & omisâ quacumque superstitione in earum constructione, nec non secluso omni scandalo. Secundò. Permittuntur omnes Ceremoniæ Nationis Sinicæ erga defunctos, quæ non sint aut superstitiosæ, aut suspectæ, sed civiles. Tertiò. Permittitur Confucii cultus ille, qui civilis est, & etiam ejusdem Tabellæ purgatæ & literis, & superstitiosâ inscriptione, & adjunctâ declaratione debitâ sicuti permittitur ante ejus Tabellam correctam ac, cendi candelas, uri odores, apponi comestibilia &c. Quartò. Permittitur pro usu, & expensis funerum. offerri candelas, odores, adjunctâ in schedula debitâ declaratione. Quintò. Permittuntur reverentiæ genuflexionum, & prostrationum erga Tabellam correctam, aut etiam erga feretrum, aut defunctum. Sexto. Permittitur præparari mensas cum dulciariis, fructibus

bus, carne, & cibis usualibus circa, aut coram feretro, ubi sit Tabella correctâ, cum debita declaratione, & omiſſis ſuperſtitioſis, pro quadam honeſtate tantum, & pietate erga defunctos. *Septimò*. Permittitur coram Tabella correctâ reverentia dicta *Ko teu* tum in anno novo Sinico, tum in aliis anni temporibus. *Oſtavò*. Permittitur coram Tabellis reformatis accendi candelas, uri odores cum debitis cautelis, ſicuti etiam ante tumulum, ubi pariter collocari poſſunt cibi, ut ſupra dictum eſt, adhibitis cautelis, ut in Superioribus. *Apoſtolici ergo viri Eccleſiam adhibentes non habentem maculam, neque rugam, ponant manum ſuam ad aratrum, nec reſpiciant retro. Videte fratres vocationem veſtram; non enim auditores Legis juſti ſunt apud Deum, ſed factores Legis juſtificabuntur. Obſecramus itaque vos, ut dignè ambuletis vocatione, qua vocati eſtis, ſolliciti ſervare unitatem Spiritus in vinculo pacis. Nè diutius agamus ſecundum poteſtatem, paternè vos commonere voluimus per epiſtolam. Amabilem illum Patrem familias, qui exiit primo mane conducere Operarios in Vineam ſuam audite: Quid hîc ſtatis totâ die otioſi? Ite & vos in Vineam meam. Vocem Patris perpendite, & illam Judicis timete. Ipſi vos probate; virtus enim Dei erit vobis in auxilium; ac plenam miniſterio Verbi Dei ſunſti recipietis mercedem, immarceſcibilem nimirum a Paſtorum Principe gloriæ coronam. Ne quis vos ſeducat inanibus verbis obedire veritati. Scitote, quod obediētes voci ejus, qui miſit vos, rationem non eritis reddituri pro animabus, ſed unusquiſque veſtrum pro ſe rationem reddet Deo. Quicumque ſub diverſis prætextibus ceſſandum ſibi putat a miniſterio Miſſionarii, lædit animam ſuam, & de alienis æterno Judici rationem reddet. Quam dabit homo commutationem pro anima ſua, & pro alienis? Deus eſt vi-*
tis

tis vera, vos palmites. Qui non ferent fructus in eum, arescent tamquam palmites; & collecti, & alligati in fasciculos ad comburendum mittentur in caminum ignis inextinguibilis. Respicite Dominum nostrum Jesum Christum secus viam ambulantiem, qui in fici arbore nihil invenit, nisi folia tantum, & ait illi: Nunquam ex te nascantur fructus in sempiternum. Si aliquid palmites jamdiu conversi in amaritudinem, qui expectabantur, ut tandem facerent uvas, spinas super spinas adjecissent, vob, vaba die iræ, a die furoris, & indignationis Domini! Attendite ad verba, quæ mandat vobis per Servum suum Dominus adhuc misericors. Revertimini ad Deum vestrum, manete in eo, qui manens in vobis purgabit vos, & desideratos cunctis gentibus fructus afferetis. Apostolico satisfecisse nos muneri judicamus; non enim subterfugimus, quominus annuntiaremus omne consilium Dei vobis, ut nullam excusationem habeatis de peccatis vestris. De cætero quotquot eritis obedientes, fratres, gaudete, perfecti estote, exhortamini, idem sapite, pacem habete; & Deus pacis, & dilectionis erit vobiscum.

Cum verò ad promovendam in Neophitis debitam Decretis Apostolicis obedientiam, præsentium nostrarum Litterarum notitiam iisdem Neophitis minimè necessariam esse, sed satis esse eos in viam salutis dirigere juxta Pontificiæ Constitutionis præscripta, compertum sit, ne quis eorum, ad quos præsentis Litteræ directæ sunt, cujuscunque Ordinis, aut Instituti, aut Congregationis fuerit, aut Societatis etiam Jesu, præsentis Litteras, aut quæ in eis continentur (exceptis Permissionibus, quæ quidem cautè, & ubi necessitas tantum, aut utilitas postulaverit, patefaciendæ erunt) sive directè, sive indirectè per se, vel per alium voce tenus, aut scripto in Linguam Tartaram, aut Sinicam vertat, aut quocumque modo cui-libet, qui Missionarius non sit, nota faciat, sub excom-
in-

nicationis latæ sententiæ, a qua nonnisi a Nobis, aut a Summo Pontifice (præterquam in articulo mortis constitutus) absolvi possit, Et quoad Regulares etiam privationis vocis activæ, Et passivæ pœnis per Contrafacientes ipso facto absque alia declaratione incurrendis tenore præsentium vetamus, Et in virtute Sanctæ obedientiæ probibemus. Datum Macai in Palatia nostræ residentiæ die 4. Novembris anno 1721.

Cum autem Patriarcha Alexandrinus in præallata Pastoralis mentem suam satis prudenter explicuisset, nimirum Pastoralis hujus suæ Epistolæ notitiâ opus non esse ad promovendam in Neophitis erga Pontificia Decreta venerationem, & observantiam, cum satis esset, ut juxta Constitutionis Pontificiæ mandata in via salutis dirigerentur; præterea cum omnibus, & quibuscumque interdictum voluisset, sub pœna quoque excommunicationis latæ sententiæ, ne quis illam in Sinensem, aut in Tartaricum sermonem verteret, aut cuiquam, qui Missionarius non esset, eam palam faceret; de Permissionibus autem cum statuisset, nonnisi cautè, & ubi tantum utilitas, vel necessitas id postulare, esse evulgandas: profectò omnis, ad quem Pastoralis illa dirigebatur, ex tali procedendi modo haud obscure inferre debebat, quantis ille animi angustiis obsessus, & quàm anceps ac perplexus in Permissionibus hujusmodi proponendis extitisset; adeò ut œconomiâ quadam usus fuisset ad loci, & temporis circumstantias prorsus necessariâ: a qua putandum est eum recessurum fuisse, si libertas sibi data esset rem discutiendi cum Episcopis, aliisque doctis Viris, qui nihil aliud, quàm Christiani cultus puritatem, & Apostolicæ Constitutionis observantiam ante oculos haberent. At Permissiones illæ contrà expressam adeò Patriarchæ ipsius voluntatem evulgatæ; & quod mirum,

rum, Pekini Episcopus per binas suas Pastorales mandavit, sub pœna suspensionis ipso facto incurrendæ, universis Diœcesis suæ Missionariis, ut observarent, & observari præciperent Constitutionem: *Ex illa die*, juxta Permissiones, quas ipse condemnebat, ad ea potissimum referri; quæ in præcitata Constitutione fuerant solemniter interdicta. Præcepit insuper, ut Christianifideles quater singulis annis in diebus omnium celeberrimis distinctè instruerentur cum in iis, quæ Constitutione Apostolicâ prohibentur, tum in iis, quæ a Patriarchæ Alexandrini Pastoralis permittuntur.

Enimverò Clemens Papa XII. Prædecessor noster tam aulæ Episcopi Pekinensis factum æquo animo ferre haud potens, muneri suo maximè interesse judicavit binas illas Epistolas damnare, ac penitus reprobare Apostolico Brevi, quod anno 1735. promulgavit: in quo sibi, ac Sanctæ Sedi facultatem reservavit declarandi Sinensibus Christianis mentem suam, & ejusdem Sanctæ Sedis sententiam in iis, aliisque, quæ ad materiam hujusmodi spectarent. Præfatum autem Breve est tenoris sequentis:

C L E M E N T I S P A P Æ X I I .

Revocatio, annullatio, & cassatio duarum Epistolarum Pastoralium bon. mem. Francisci Episcopi Pekinensis, nuper defuncti, die vi. Julii. & die xxijs. Decembris MDCCXXXIII. circa Ritus Sinenses editarum.

C L E M E N S P A P A X I I .

Ad perpetuam rei memoriam.

Apostolicæ sollicitudinis Nobis divinitus commissæ ratio Nos admonet, ut ea, quæ Christianæ Religionis, Catholiceque Fidei propagationi, ac incrementis quacunque ratione obistere posse dignoscuntur, quantum Nobis ex alto

con-

conceditur , recidere , ac è medio tollere studeamus. Cum itaque , sicut ad Apostolatus nostri notitiam pervenit , occasione binarum Epistolarum , quas Pastorales vocant , bon. mem. Francisci dum viveret , Episcopi Pekinen. nuper defuncti , die 6. Julii , & 23. Decembris anni 1733. circa Ritus Sinenses editarum , graves in Imperio Sinarum inter Apostolicos illarum partium Missionarios exorta fuerint dissensiones , quæ uberes fructus , quos Sancta Mater Ecclesia ex assiduo Operariorum in illam Agri Dominici partem missorum labore præstolatur , impedire , aut morari possent ; Nos , ut pristina inter eos Missionarios pax , & animorum concordia , sublati quibusvis diffidiis , restituatur , de opportuno in præmissis remedio providere volentes , ac Epistolarum prædictarum tenores , & alia quæcumque etiam specificam , & individuum mentionem , & expressionem requirentia , præsentibus pro plenè , & sufficienter expressis , & exactè specificatis habentes de nonnullorum Venerabilium Fratrum nostrorum S.R.E. Cardinalium , qui jussu nostro Epistolas ipsas sedulè ac diligenter examinarunt , consilio , ac etiam motu proprio , & ex certa scientia , & matura deliberatione nostris , deque Apostolicæ potestatis plenitudine binas memorati Francisci Episcopi Pekinen. Epistolas Pastorales præfatas , ac pœnas , & alia quæcumque in eis contenta , cum omnibus , & singulis inde secutis , & forsitan quædamque secuturis , penitus , & omnino nulla , invalida , & irrita , nulliusque prorsus roboris , & momenti esse , & perpetuo fore , tenore præsentium declaramus : & nihilominus ad majorem cautelam , & quatenus opus , illa omnia & singula motu , scientiâ , deliberatione , & potestatis plenitudine paribus harum serie itidem perpetuo revocamus , cassamus , irritamus , annullamus , & abolemus , viribusque , & effectu penitus , & omnino vacuamus . retro revocatis . cassatis . irritis . nullis .

invalidis, & abolitis, viribusque, & effectu penitus, & omnino vacuis semper haberi volumus: Nobis insuper, & Apostolicæ Sedi reservantes facultatem Christi fidelibus in eodem Regno degentibus aperiendi nostram, & dicte Sedis mentem post maturam itidem habitam deliberationem super aliis rebus; quæ hujusmodi materiam respiciant: Dicerentes ipsas præsentēs Literas semper firmas, validas, & efficaces existere, & fore, suisque plenarios & integros effectus sortiri, & obtinere, & ab omnibus, & singulis, ad quos quomodolibet spectat, & pro tempore quancumque spectabit, præsertim verò Archiepiscopis, Episcopis, Vicariis, Pro-Vicariis, & Missionariis Apostolicis tam secularibus, quàm cujusvis Ordinis, Congregationis, Instituti, & Societatis etiam Jesu, Regularibus in supradicto Sinarum Regno nunc, & pro tempore existentibus, inviolabiliter, & inconcusse observari, sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem S.R.E. Cardinales etiam de latere Legatos, & Sedis præfatæ Nuncios, aliosve quoslibet quacumque præeminentia, & potestate fungentes, & functuros, sublatâ eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum & inane, si secus super his a quoquam quavis auctoritate scienter, vel ignoranter contigerit attentari: In contrarium facientibus non obstantibus quibuscunque. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constituta munitis, eadem prorsus fides in Judicio, & extra adhibeatur, quæ præsentibus ipsis adhiberetur, si forent exhibita, vel ostensa. Datum Romæ apud Sanctam Mariam Majorem sub Annulo Piscatoris

(XXXIII)

ris die 26. Septembris 1735. Pontificatus Nostri Anno Sexto.

F. Card. Oliverius.

Id verò quod idem Pontifex Clemens XII. sibi, ac Sanctæ Sedi Christianis Sinensibus declarandum reservavit, erat profectò materia Permissionum, de quibus certior jam factus fuerat, deque maxima inde secuta inter Missionarios dissensione, cum alii contenderent, Constitutionem: *Ex illa die*: omnem vim suam amittere, si Permissiones illæ in praxi consistant; alii verò factis palam ostenderent, Permissionum colore se ad prædictæ Constitutionis observantiam minime teneri, juxta illa, quæ in ipsa Constitutione præscribuntur. Itaque præfatus Prædecessor noster, quo Christianæ Religionis puritatem, quæ in iis Regionibus per exactam præmemoratæ Constitutionis observantiam servanda erat, assereret, & controversiis istiusmodi finem aliquando imponeret, examini perquam diligenti totum Permissionum negotium commisit, ita ut a Theologis, tum etiam a Sanctæ Romanæ Ecclesiæ Cardinalibus Sacræ Inquisitioni Præpositis mature seriòque discuteretur. Antequam verò supremam de illis sententiam pronuntiaret, ad pleniorē facti notitiam obtinendam, omnes, & singulos, quotquot in Urbe existerent, Sinarum Missionarios, tum etiam complures Juvenes, qui ex iis Regionibus in Europam, educationis, & Christianæ rei addiscendæ causa, venerant, ad examen super his, servato juris ordine, vocari jussit.

Nos igitur Prædecessoris nostri vestigiis insistentes.

singulas, coram Nobis summo studio, ac diligentia examinari curavimus; neque laborem nostrum tantum, sed Cardinalium quoque, & Sacrae Inquisitionis Consultorum doctrinam & consilium exquisivimus, ac tandem satis apertè compertum habemus, antedictas Permissiones nunquam a Sancta Sede probatas, Apostolicæ Clementis Papæ XI. Constitutioni repugnare, atque adversari, utpote quæ partim Ceremonias, Ritusque Sinenses a prædicta Constitutione proscriptos admittant, ac veluti probatos atque utendos concedant, partim regulis in ipsa traditis ad vitandum superstitionis periculum opponantur. Nolentes itaque, quemquam ad Constitutionem ipsam summo Christianæ Religionis damno malitiosè evertendam Permissionibus ejusmodi uti, definimus, ac declaramus, præfatas Permissiones ita esse habendas, ac si nunquam extitissent, earumque praxim tamquam supersticiosam omnino damnamus & execramur. Itaque præsentis hujus nostræ Constitutionis perpetuè valituræ vi revocamus, rescindimus, abrogamus, atque omni vigore & effectū vacuas esse volumus omnes illas, & singulas Permissiones; easque semper uti cassas, irritas, invalidas, & nullius prorsus roboris, aut vigoris habendas esse dicimus ac pronunciamus.

Præterea cū Clemens Papa XI. in Constitutione: *Ex illa die*: apposuerit hæc verba = *Per præmissa nihilominus non vetari, quominus erga defunctos peragi possint alia, quæ sint, quæ verè superstitiosa non sint* &c. = Nos dicimus & declaramus ea verba = *Alia se quæ sint* = intelligenda esse de usibus & Ceremoniis diversis ab illis, quas idem Pontifex Apostolica Constitutione jam interdixerat, & quas Nos pariter eadem autoritate configimus, atque interdicimus, ne antedictis Permissionibus, quas omninò damnatas volumus,

lumus , ullus in posterum locus pateat .

Distictè itaque prohibemus , ne quis Archiepi-
scopus , aut Episcopus , aut Vicarius , aut Delegatus
Apostolicus , aut Missionarius tam Sæcularis , quàm
Regularis , cujuscumque Ordinis , Congregationis ,
Instituti , etiam Societatis Jesu , aliorumque , de qui-
bus expressa , & individua mentio fieri debeat , Per-
missionibus prædictis ullo pacto uti valeat sive publicè ,
sive privatim , sive palam , sive clam ; neque audeat ,
vel præsumat Constitutionis paulo ante citata verba
aliter , ac Nos supra declaravimus , alicui explicare ,
aut interpretari . Quare ex prædictorum Sanctæ Ro-
mænæ Ecclesiæ Cardinalium consilio , motu quoque
proprio , ac certa scientia , maturaque deliberatione ,
tum etiam de plenitudine Apostolicæ potestatis , Con-
stitutionis præsentis tenore , & in virtute sanctæ obe-
dientiæ præcipimus , & expressè mandamus omnibus
& singulis Archiepiscopis , & Episcopis in Sinarum
Imperio , aliisque Regnis & Provinciis sive finitimis ,
sive adjacentibus , nunc existentibus , aut olim pro
tempore futuris , sub pœnis suspensionis a Pontifica-
lium exercitio , & ab Ecclesiæ ingressu Interdicti , eo-
rum verò Officialibus , & Vicariis in Spiritualibus
Generalibus , aliisque eorundem Locorum Ordina-
riis , Vicariis quoque , aut Delegatis Apostolicis , qui
Episcopi non sunt , tum etiam eorum Provicariis , &
insuper Missionariis universis tam Sæcularibus , quàm
Regularibus cujuscumque Ordinis , Congregationis ,
Instituti , etiam Societatis Jesu , sub pœnis privatio-

Romano Pontifice pro tempore existente absolvi, præterquam in articulo mortis constituti, addita quoque Regulares etiam vocis activæ, & passivæ privationis pœna, præcipimus, & districtè mandamus, ut omnia & singula, quæ in hac nostra Constitutione continentur, exactè, integrè, absolutè, inviolabiliter, atque immobiliter non modò ipsi observent, sed etiam omni conatu, ac studio ea ipsa observari curent a singulis, & universis, qui quoquomodo ad eorum curam, & regimen spectant; nec colore, causa, occasione, seu prætextu aliquo huic nostræ Constitutioni ulla in parte contraire, aut adversari audeant, vel præsumant. Præterea quoque Missionarios Regulares cujuscumque Ordinis, Congregationis, Instituti, ac Societatis quoque Jesu; si quis eorum (quod Deus avertat) exactam, integram, absolutam, inviolabilem, strictamque obedientiam denegaverit iis, quæ a Nobis præsentis hujus Constitutionis tenore statuuntur, ac præcipiuntur; eorum Superioribus tam Provincialibus, quam Generalibus in virtute sanctæ obedientiæ expressè mandamus, ut homines hujusmodi contumaces, perditos, ac refractarios a Missionibus absque ulla mora dimoveant, eosque in Europam statim revocent, ac de illis notitiam Nobis exhibeant, ut reos pro gravitate criminis punire valeamus. Quod si prædicti Superiores Provinciales, aut Generales huic nostro præcepto minùs obtemperaverint, aut in eo desides fuerint, Nos contra ipsos quoque procedere non recusabimus, atque inter cætera mittendi aliquem ex ipsorum Ordine in earum Regionum Missiones privilegio, seu facultate eos perpetuò privabimus.

Postremò, ut hæc nostra Constitutio in suo robore semper integra, ac firma maneat, volumus quoque, ut ad Formulam Juramenti a Clemente Papa XI. in sua

sua Constitutione præscriptam nonnulla adjiciantur, quæ maximè necessaria putavimus. Idcirco omnes, qui præfatæ Constitutionis vigore sub pœnis in ea contentis Juramentum præstare debebunt, in posterum sequenti Formula utentur, videlicet: *Ego N. Missionarius ad Sinas, vel ad Regnum N., vel ad Provinciam N. a Sede Apostolica, vel a Superioribus meis, juxta facultates eis a Sede Apostolica concessas, missus, vel destinatus, Præcepto, ac Mandato Apostolico super Ritibus, ac Ceremoniis Sinensibus in Constitutione Clementis Papæ XI. hac de re edita, qua præsentis Juramenti formula præscripta est, contento, ac mihi per integram ejusdem Constitutionis lecturam apprime noto, plenè, ac fideliter parebo, illudque exactè, absolutè, ac inviolabiliter observabo, & absque ulla tergiversatione adimplebo, atque pro virili enitar, ut a Christianis Sinensibus, quorum spiritualem directionem quoquo modo me habere contigerit, similis obedientia eidem præstetur. Ac insuper quantum in me est, nunquam pariter, ut Ritus, & Cereemonia Sinenses in Literis Pastoralibus Patriarchæ Alexandrini Macai datis die 4. Novembris 1721. permissæ, ac a Sanctissimo Domino Nostro BENEDICTO PAPA XIV. damnatæ, ab eisdem Christianis ad praxim deducantur. Si autem (quod Deus avertat) quoquo modo contravenerim, toties quoties id evenerit, pœnis per prædictas Constitutiones impositis me subiectum agnosco, & declaro. Itatactis Sacrosanctis Evangeliiis promitto, voveo, & juro. Sic me Deus adjuvet, & hæc Sancta Dei Evangelia.*

Fina N. missus huius

lux clarè, nitidèque effulgeat, ac præpotenti manu sua sic pia nostra consilia promoveat, ut Regionum earundem Pastores intelligant, planèque sibi persuadeant obligationem, qua ipsi tenentur vocem nostram audire, & sequi. Confidimus quoque, Deo favente, ex eorum cordibus inanem illum metum sublatum iri, ne videlicet per exactam Pontificiorum Decretorum observantiam infidelium conversio retardetur. Nam hæc a Divina Gratia sperari potissimum debet, quæ quidem ab eorum ministerio longè non aberit, si Christianæ Religionis veritatem impavidè prædicaverint, atque ea puritate, qua ipsis ab Apostolica hac Sancta Sede tradita est, parati quoque ad eam propugnandam sanguinem effundere, exemplo Sanctorum Apostolorum, aliorumque Christianæ Fidei Clarissimorum Propugnatorum, quorum sanguis tantum abuit, ut Evangelii cursum interciperet, aut retarderet, ut potius Vineam Domini florentem magis, & fidelium animarum copiosiore efficeret. Nos quidem pro viribus nostris Deum obsecrabimus, ut invictam illis hanc animi firmitatem, & Apostolici zeli robur concedat. Verum ad eorum memoriam deducimus, ut, quando ad Sacras Missiones destinantur, se tamquam veros Jesu Christi discipulos cogitent, & ab eodem se missos fuisse non ad gaudia temporalia, sed ad magna certamina, non ad honores, sed ad despectiones, non ad otium, sed ad labores, non ad requiem, sed ad afferendum fructum multum in patientia.

Volumus autem ut earundem præsentium transumptis etiam impressis manu alicujus Notarii publici subscriptis, & sigillo personæ in Dignitate Ecclesiastica constitutæ munitis eadem fides prorsus adhibeatur, quæ ipsis originalibus Literis adhiberetur, si forent exhibitæ, vel offensæ.

Nulli

(xxxix)

Nulli ergo hominum liceat hanc paginam nostræ confirmationis , innovationis , revocationis , rescissionis , abolitionis , cassationis , annulationis , damnationis , ac ordinationis infringere , vel ei ausu temerario contraire . Si quis autem hoc attentare præsumpserit , indignationem Omnipotentis Dei , ac Beatorum Petri ; & Pauli Apostolorum ejus se noverit incursurum . Datum Romæ apud Sanctam Mariam Majorem quinto Idus Julii Anno Incarnationis Dominicæ millesimo septingentesimo quadragesimo secundo Pontificatus Nostri Anno Secundo .

P.Card.Pro-Datar. D.Card.Passioneus .

VISA DE CURIA

N.Antonellus .

J. B. Eugenius .

Registrata in Secretaria Brevium .

Anno à Nativitate Domini JESU CHRISTI millesimo septingentesimo quadragesimo secundo Indictione quinta die verò nona Augusti, Pontificatus autem Sanctissimi in Christo Patris & Domini Nostri Domini BENEDICTI Divina providentia PAPÆ XIV. Anno secundo, supradicta Constitutio affixa, & publicata fuit ad valvas Basilicæ Lateranensis, & Principis Apostolorum, & Cancellariæ Apostolicæ, Curie Generalis in Monte Citatorio, & in Acie Campi Floræ, ac in aliis locis solitis, & con-

THE
LIBRARY OF THE
MUSEUM OF MODERN ART
1000 5th Avenue
New York, N.Y. 10028